

園曷以趣名也以園之趣名趣園也園曷趣也園以不趣而趣也趣以不園而園乃益趣也又在居游往來者自有其趣不關乎園之趣也不趣奚趣也園有蘭趣香也有竹趣品也余愛竹愛蘭清趣亦雅趣也乃野蘭俗呼馬蘭嗅無香竹之高綠不齊階叢葉無竿抑不趣也而余寶之囑司園者日報竹增高今幾尺蘭芽初茁盼花開以賞心而悅目也且往往誤坐客之請余亦不辭欣然前導客每竹前問竹蘭外尋蘭也迨指示之恆主客相顧笑則趣也檐之前有豆棚焉又無甚趣也而乃開當初夏今洎陽月雪後猶花儼然兄春蘭而弟臘梅也則亦趣也園之不趣而趣者類若是也曷言乎不園而園乃益趣也化都寺園之鄰也古柏驚風空翠鳥壽比身枕在海船船室也得滄洲

乾州志稿別錄卷二 文錄

古

趣北拱於園者梁山也岩阿朝雨煙湧雲飛頃刻豁霽牆頭數點得煙霞趣園在郭外出門輒與笠農笛牧遇立談斜陽又得無懷葛天趣此不皆涉園成趣而無不於園乎得之故曰益趣也居游往來者伊何人趣奚若也桔槔而唱醉吳姬者灌園趣夫也風雨客來酌酒而道洗塵者司園趣童也攜家寄食一飽若無餘事者寓園趣叟也醉忘歸而枕糟藉麴者飲園趣客也采野菊供膳瓶者主園趣長也喜備酒酌而逃飲者趣園主人也皆於園乎畢集而園且大趣也然則趣遂畢於是乎曰否不然也盈天地皆趣物也亘古今皆趣事也隨遇得趣便趣也惟有趣者能得之惟知趣者能喻之也名趣者志趣也

送陳郡侯三載攷績序

明 宋廷佐

乾州刺史清源陳侯三載滿將北上攷績於天曹乾之大夫士

惜其別懇予言以為贈予方居憂不獲已為之言曰攷績者攷其事功之優劣以殿最之也而人之賢否勤怠實於是乎觀焉國朝之制凡內外吏三載一攷而州縣之長吏為最難何也責之萃於我者眾也一事之不舉則責乎我者挽而留之矣是以州縣之長吏有歷數載而始獲一攷者職此故耳夫天下之事成於勤而廢於怠侯之行不棘不徐巨有稽細有覈早作夜思閱三載而此心之勤且勵者無少間故事舉而人賢之今之攷績則怠者有所勸矣往歲兗州許侯郊縣劉侯為乾刺史許政尚嚴乾之民戶不夜閉途不撥遺而劉則一主於寬而民亦愛而敬之雖咸稱良有司然君子謂之偏者何也蓋寬猛相濟治之道也孔子曰政寬則民慢慢則糾之以猛猛則民殘殘則施之以寬侯之治乾立法雖嚴而用法則恕陽春之中而有霜霰焉故政和而人安之今之攷績則偏者有所懲矣嘗讀宋史史臣稱杜祁公知乾州未滿歲安撫使察其治行改權知鳳翔府二邦之民爭於界上一則曰此我公也汝奪之一則曰今我公也汝何有焉乃掩卷而歎曰祁之政何感人之速如是哉求其所以治乾者泯然無傳焉夷攷其為人則曰廉潔自刻曰事其上以不欺為忠推於人則行已取信夫廉潔忠信君子修己治人之大閑也祁公之所以感人之速者豈不在於斯乎侯好古讀書修飭不忘動靜語默謹而有法忠信廉潔之道固已真知力踐而人孚之矣今茲攷績天曹固將有異擢焉乾之民將有不攀轅寢轍以留侯而奪之者哉予雖不能文請執簡以俟

乾州志稿別錄卷二 文錄

古

姜武功平賊序

康海

嘉靖四年秋乾州人樊伸作亂官兵擒獲之伸多貲而樂諛方

士誕妄者皆集其門附會伸意行諛於伸云伸當大貴於是傳播遠近舉翕然從伸而伸遂自居不疑曰召無賴男子習戰修武來者雲集又令妖人以照水法惑之泊三年陰相結聚數萬人是年秋集黨寇乾州人力禦之曰晡逃去走南山結銀兵復謀北寇郡縣震動武功美令下令曰伸輩皆膏粱子徒以妖術煽惑至是其黨固烏合也即果南奔礦場必假道於此立節渭水橋頭凡濱水諸村落宜據舟密候其至共力與擊賊可悉擒明日昧爽賊果至諸村落人執挺拒之賊悉從涉渡逃去獲馬及器物村落以馬來令即以馬賞曰能得賊賞不直此日中有執賊至者得伸所給號帖已署有偽官乃立磔於市而厚賞獲者凡涇成興醴愚民爲賊惑者舉不敢南渡應賊據鐵籠巷五六日候應不至始決意趨礦場又二日賊首悉爲于敖輩所擒無一遁者賊黨悉平

乾州志稿別錄卷二 文錄

去

遠廬題詩序

國朝 劉志芬

夫乾西北之大溱也倥傯午道迢遞庚郵車馬奔馳往來如織輶軒使者薦紳先生流覽山川咨詢風土雪泥鴻爪偶爾留題不求紅袖之拂塵豈望碧紗之籠壁亦有粉毫畫月鈿尺裁雲霧鬢風鬢琴箱鏡屐鈴纜歇旅柝猶聞蝴蝶之夢未成彩鸞之韻頻檢或擅簪花之格或工頌菊之才刺錦飄零遺珠散亂蟲網借蝸涎並結腐煤與蠟粉齊銷物色風塵拾其香草亦可謂文字因緣也已凡得詩若干首彙錄如左

與乾州太守趙君書

明康 海

賊輩往來之地止在高祖廟馬嵬南上官薛祿鎮一帶其南過渭河則祖菴鎮一帶而妻柩寄居則郡縣東南鐵籠菴寨其間

乾州志稿別錄卷二 文錄

七

若無交契深厚之人何以存住茲急爲出示將連日斬獲人名姓名明白開曉某人常以樊伸妖術術惑謂當做何官職今乃首領不保如此往者靡追來者可戒凡爾各處軍民人等能將樊伸楊樸張和董漢等有名賊首設計捕獲者許免其脅從之罪仍照首功例一體升賞其爲賊捉獲割髮塗面及著名賊簿哄誘脅從者原係被賊威劫比之楊樸等同謀結聚不同若能自首到官給與執照令其甯家生理其楊樸等果能改悔前愆將樊伸等擒斬送官亦照例賞功免罪如此則民志自定賊勢自孤不待旬日之間諸賊之首悉函官庫矣今聞立節渡口地方所報二十二日辰時賊衆先後二十一騎駐渡索船村民執兵追呼賊徑西去因往來鐵籠菴寨熟知道路淺深舍舟而涉其餘黨只在州城東西及興平一帶舊行道路村舍憑熟隱匿若令各村挨拿呈報凡獲賊物件悉行給與隱匿不報與犯人同律則勇敢之士志向既專而隱匿之家親疎靡諱自首自縛者源源而至謂孽蔓猶滋氛殺不消者吾未之信也賊衆自言去喚所約銀兵及涇陽元狐教私人復來攻城事之有無雖不可料而備之曲折誠不可疎宜密令人先去鐵籠菴寨探賊輩若果招誘銀兵宜由上司火速移文巡檢于鞠令其多方訪邏勦捕如尙留滯未發宜密行竄雞把塞隘口截其西奔兼移整屋場兵致邏遏其東邁凡武功扶風岐山鳳翔沿渭河道但有淺窄可渡處仔細隄防不許放賊北渡乃徐陳師壓境則計無不獲矣元狐教不但涇陽一處咸陽醴泉三原三水淳化高陵處處有之此教風行二十餘年其妖師所至家家事若祖考惟其所需極意奉承一飲一饌妖師方下筯入口其家長幼大小

即便跪請留福奪去自食至於退處空室則使處女少婦次第問安倘蒙留侍枕席即為大幸有福其妖師者又令此輩照水鑑形云某後當為何官某後當有何福愚民易惑便爾堅志奉承牢不可解往歲藍巡撫在陝僕備言其事藍公星夜取知縣劉仲和至分付區處顧仲和不諳事體曉諭無方致此輩託求大府反謂官司生事而此輩方且深根固蒂聚貨通官打點承對搖手一呼應者千萬生員楊芝恐貽害地方具呈巡撫發縣根究縣官以重賄竟以他事致芝於死此後雖有敢言之士閉口不敢矣今欲悉行處置則干礙衆人不若摘爲首之人斬首號令則愚民將曰彼常照水見有何官今輒遭此方來復有盡惑者亦不信矣此其陰隲於民奚啻萬萬哉

與鄉中知舊書

胡松

乾州志稿別錄卷二 文錄

六

乾於唐稱奉天從此地漸高寒有邊鄙意出乾州北數里經乾陵則天葬處也所遺石翁仲人物雜卧土石草樹間甚巨且衆則當其盛時雄麗可想然行道之人語及盜掘亦多詢而羞之真稱遺臭豈若昭陵抔土漫然九嶼山下之有耿光耶

與崔乾州龍見書

國朝畢 沅

六陌爲古戰場周子隱此焉捐軀意其百世而下山川草木猶有生氣彼處人士何無知者可慨也碣而揭之守土者責也閣下其有意乎

與馬素天司馬書

張洲

寅春一別再值寅春屈指十有三年顛毛鬢髮十七八白也舟車水陸茫無定踪久乏人便致關竿牘甚爲歉仄安可言喻道途間側聞涖官治民政績丕著耳孰新猷無任欣慰前以才能

特蒙拔擢既復盤獲匪僮使積年惡逆自此而發用心行事益見精勤將來勳業宏遠可期不第郡守監司指顧間也誠言非諛當日同學相契數人惟君才馴致大用自憶壯歲亦未嘗不稍自期許今則已矣身名寔滯官學俱虛近淹留山左授徒自娛精力朽頓無復昔年懷負諸葛忠武云年與時馳意與歲去悲嘆窮廬將復何及每誦此語悚惕彌日用是奮發故雖自顧衰頹而讀書之心未嘗遽已遙想高明仕優則學必有心得尙冀悉以示我俾遲暮之年或可聞道如商瞿子木之得子王逸少之學書高逵夫之爲詩則私心幸甚切望切望謝病後自分終老泉石於名場中從無半刺懼蹈詔賈之迹然如忘形至交又未可一槩論也肅此佈訊統希玉照春寒惟爲民保愛不宣

與楊漢升孝廉書

張洲

乾州志稿別錄卷二 文錄

七

比承辱命譏太老夫人志銘謹已脫稿並製輓歌一章恭呈台覽大抵貞賢節孝之事人所爭傳而樂道則以洲執筆劾役固所願然足下屬銘時戚戚以不及生前預旌爲憾夫此事亦難言耳富有財者或非其真而貧乏者輒隱埋於窮鄉鄙壤姓氏不以注彤管事行不以列志傳若此者難可一二數燕石奪清玉而明月之珠黯淡無光其又何能信將來傳後世也洲於志中已慨乎其言之矣然潛德之光積久必發足下他日策名大廷榮入詞館則太老夫人貞志苦節詎終湮沒於地下是在足下勉之而已

與東暉明府書

張恕

做邑自兵燹以來彫劫極矣仰賴大君子竭數載之精神力爲整飭生聚教訓如春風之風夏雨之雨駸駸乎有起色矣詎意

鯁岷福薄借寇無緣秋以爲期祇成虛語此則成人所爲望峴山而沾巾者也恕仰託福芘家居平善金嬌玉臺兩嬰膝下依依頗學言語五柳先生云弱女雖非男慰情良勝無是亦貧家之樂事也知蒙關注用敢附聞歲福星西指仁見有脚陽春直度玉門矣趨教靡因徒勞夢想惟冀努力報最早遷近郡他日門下食客中當爲歌長鉞者留魚車也附呈小草愛我神明幸循聲著武都棠陰今召杜蘭譜舊曾蘇政已題金簡心宜貯玉壺雲泥從遠隔亦足耀吾徒

楊母韓孺人墓志銘

國朝 張 洲

夫旌表節義者所以章志貞教顯微闡幽式勸風俗至鉅典也顧富者多所虛飾而抱節守義之人或貧無貲者竟至阨塞弗達致終其身不獲膺天子之褒錫吁可慨也已韓孺人者乾州

乾州志稿川錄卷二 文錄

三

處士楊仕伊繼配也祖曰文光州學生父曰肅配某氏以康熙丙辰二月四日生孺人處士元配宋氏卒議婚於韓於是孺人歸處士歸十一年而處士歿孺人時年二十七婉婉淑慎寡言笑韓氏族無小大長幼先是交歎其賢已而矢志秉貞事姑孝謹訓諸孤以義方楊氏家人無小大長幼即又復稱孺人賢不容口叅議毛公分巡西乾時扁其門曰松筠同操方欲議旌而毛公去事以不果乾隆丙子四月三日孺人卒春秋八十有一其明年十二月十八日卜葬中巨壘西南之新兆孝廉君橋持狀詣洲言曰先王父之歿也諸父方配或在抱非得王母輾轉節縮撫育長養教誨之難矣哉其能有成也顧迄身歿弗預旌典葬有日惟茲墳中之銘幸吾子圖焉按狀處士之先有諱驥者前明時爲獲嘉知縣生守忠爲州學生三傳至運亨是爲處

士公祖生可翰可翰娶於韓生仕俊仕偉仕傑暨處士由獲嘉公至此蓋七世矣而家道中落孺人仰事俯畜窘迫萬狀然猶日督其從子與其季學時勤經織供紙筆費既又生有孫抑又日督其孫學及其從子深秀與其季生秀相繼列州庠次孫橋舉壬申鄉試而從子深秀迄今語及太孺人未嘗不蘇蘇隕涕深秀者仕偉子也孺人視如己出而已亦遂視如所生云姑韓既卒而仕偉亦卒仕俊異產以居惟仕傑與其配劉以老且無子依孺人孺人奉養備至勲勲懇懇數十年如一日尤樂周貧乏遇族黨寒者饑者每自減衣食分以布縷米粟此豈矯強所能哉其慈惠固天性然矣生男子三人秉信秉正生秀孫男四桌橋柱桓曾孫男三恕襄成仁壽其嗣續之蕃衍夫且方來未

乾州志稿川錄卷二 文錄

三

有艾云洲與橋同硯席及十年雅相重也義易可辭爲之銘曰史稱令女詩美其妻彼何人兮抱潔含芳孺人派分丸熊之母毓生寶貞女鄉此心不移烈日秋霜艱難荼苦慄裂中腸北堂視膳庖肉異糧恩勤拮据撫幼成行曰孝曰慈古與頡頏爰及今日子姓以昌雖寵章未逮而無憾於幽藏

關中二老傳

明 劉 震

二老者乾州宋公三原王公乾州三原皆關中名區且相近宋公名欽字克敬王公名恕字宗賢二公皆以明經中陝西正統辛酉鄉試宋公登乙丑進士官至通議大夫南京大理寺卿以資政大夫致仕乘傳以歸兩遇覃恩晉階至榮祿大夫王公登戊辰進士官至光祿大夫上柱國太子太保吏部尚書致仕亦乘傳以歸今宋公八十有五王公八十有三俱耳目聰明精神矍鑠玉帶錦袍優游田里或教子讀書或課童樹藝或鳴琴弄

棋或飲酒賦詩惟意所適以樂其樂矧又爲兒女親家久而能敬王公嘗寄宋公詩云當年壽俊會中人爾我歸來過八旬望裏山川多秀氣行邊杖履自精神路途平坦休嫌遠時節往還莫厭頻酒滿金尊須痛飲前賢那得復青春觀此詩則契合親厚之意概可見矣且自國初至今百三十餘年關中士大夫官至極品壽臻八旬以上同享太平之福者惟此二公而已而宿德重望又爲鄉黨之儀型故人以爲希有罕見而號爲關中之二老震乃王公爲方伯時鄉試之所舉者知公最久聞公之令嗣都府經歷君言公與宋公俱康強無恙同享悠久之福壽而爲鄉人所敬仰如此故喜爲之傳以傳若夫二公之功業可書者則有國史在茲不贅

田錫卿傳

國朝 路德

乾州志稿川保卷二 文錄

三

田君諱埭字錫卿號文邦世居乾州之大田村茂林公發榮第三子爲叔父養廉公發祿嗣幼入塾外樸而中慧沈靜寡言言輒中倫稍長負笈武功從弓耐軒先生學同學者四十餘人有忿爭輒質之君君剖判曲直衆折服師異之命爲都講生入泮後肄業關中書院與余同硯席聞君善拳勇能禦數十人請試之君曰諸君欲肄武耶吾安能此人言妄耳且此閒乃讀書處武事無所用之後與同舍生飲有使酒侮君者將激之怒而觀其用武焉君遜謝而已卒未嘗一試比余辭關中君亦歸里不通音問者二十餘年丙戌余主講乾州甫至問院中諸生曰此距大田村幾里曰三十里余將往衆阻之曰田君不家居常居薛祿鎮問奚爲曰爲賈人久矣余詫曰田君竟爲賈人哉遂不果往有劉生者君姻也余因而問曰田君大賈乎小賈乎曰小

賈耳富乎否乎曰富矣小賈安得富曰田君之小勝他人之大也余笑而置之已而君攜酒肴至聆其言察其動作大不類賈人徐詰之曰君之學進矣而甘爲賈人何也君欬歎久之不發一語視其貌淒然似秋余遂不敢復問居無何余至薛祿訪君於市廛左藥肆右錢庫黃榜紫標充切乎其中余戲之曰多錢善賈信哉忽於幽暗中睹快刀利刃光氣逼人驚而問之曰蓄此物安用君曰荒年多盜設半夜有劫賊來十百成羣破扉而入余當以此禦之乃知君善自韜晦曩所聞於關中者非妄也入其後則閒房清室縹緗滿架羣從讀書聲琅琅可聽有名方甸者君之兄子也名方成者君季弟子也君一子曰方川能默誦六七經叩以周禮左傳頗知其解問師何人曰無師蓋皆君數年來居關中且賈且教口講指畫者君從容謂余曰兒輩

乾州志稿別錄卷二 文錄

三

經籍粗讀文詞俱拙能爲我誨之乎余唯唯明年甸川成來皆循循規矩中不隨人嬉戲甸成先後入郡庠

形勢論

明 顧祖禹

控長安之近郊當鳳翔之孔道德宗保奉天卒卻朱泚之逼蓋北通涇邠之甲騎南濟梁洋之轉輸守奉天而賊之鋒銳不能越京師數百里間矣用兵所以貴於勢險而節短也

昭陵乾陵說

明 范文光

文光嘗走長安道過谷口問太宗祠人不識爲太宗也漫應之曰唐王祠卽今昭陵人亦應之曰唐王陵私心怪之以爲帝也何王之有然過奉天問乾陵人亦不知有高宗也亦應之曰武則天陵范子曰光今而後知小民之口勝史氏之筆多矣太宗雖帝要其功業著於爲王時當隋季之亂出之膏火震以風雷

一時奉唐家者獨此王耳故至今王之也實當年有以傳此名也然則人心所屬衆譽所歸雖帝王位號赫著人間斯民固有不從其尊者矣若夫金輪氏淫毒竊攘使異世一抔之土且專其名君子聽之猶有禍心之惡焉然高宗實不能夫特稱之曰則天陵所以愧天下後世之夫不能有其妻者雖掘地及泉骨可埋而名不許嗜其甚矣致亭涑水大儒秉筆然定不敢易帝而王去帝而后而小民直予之直奪之百世千秋萬人一舌先正謂春秋史外傳心豈知史外傳口民言可畏過者思之

龜城說

國朝 劉志芬

乾城取象元武人知始自桑道茂及叩其義而皆茫然也按張衡靈憲云蒼龍連蜷於左白虎猛據於右朱雀奮翼於前靈龜圍眷於後謂中宮軒轅之後也石氏星經北方黑帝其精元武

乾州志稿別錄卷二 文錄

詩

爲七宿斗爲龍蛇蟠結之象牛蛇象女龜象虛危壁皆龜蛇蟠蚪之象司冬司水司北嶽司北方司介虫三百六十褚石農云虛危如龜而騰蛇在虛危度之下位西北其色立神有鱗甲見武象焉故謂之元武宋眞宗避祖諱改爲眞武今世所奉眞武象實北方立冥水神也二說雖微有不同其爲水宿則一蓋嘗以山川形勢論之蜿蜒起伏磅礴奔轆鬱鬱蔥蔥靈秀所鍾乃有崇墉盤踞其中此魏伯陽所謂立武龜蛇蟠蚪相扶者也桑氏謂奉天有天子氣者以此俗以水星臺即元帝廟爲龜蛇紐結之處蓋其大略如此司馬用衆篇歷沛歷汜兼舍環龜謂環陣如龜也夫城者國之藩陣者軍之垣深溝固壘利用禦寇此城之象乎陣法也北齊盧辨大戴禮注明堂九室法龜文也明堂圖以茅蓋屋上圓下方禮統云神龜之象上圓法天下方法地明

堂爲天子巡狩之堂桑氏所謂高其垣堞爲王者居使可容萬乘者蓋取乎此此城之象乎明堂也且奉天者何奉乾陵也陵位乎乾而城即因乎陵乾爲天生水取其相生之義亦所以培養王氣也門有六何也雜阿含經云有龜被野干人所包藏六而不出注謂首尾及四足凡六也星經天龜六星在尾南漢中故城門象之若夫望北向之雲山巖北門之鎖鑰則又六王所謂王起騰蛇突起立龜王爲陽水以騰蛇之雄配癸爲陰水以立龜之雌配者也桑氏之術亦奧矣乎

城隍說

劉志芬

相傳褚河南爲州城隍神困學紀聞集古錄李陽冰記云城隍神祀典無之吳越有爾然北齊慕容儼鎮郢城城中先有城隍神祠則唐以前已有之隋五行志梁武陵王紀祭城隍神將烹

乾州志稿別錄卷二 文錄

詩

牛有赤蛇繞牛口紀與儼同時南雍州記南陽城內有蕭相國廟傳爲城隍神何義門曰宋以後城隍之祀徧天下且各立名字趙與時賓退錄有二條言之頗詳州城隍神爲褚公遂良然耶否耶周頴爲鬼官司命張謂爲冥府生曹張衡楊雄俱爲北方鬼帝寇準蔡襄俱爲閻浮提王散見於傳記者不可枚舉以此度之應知不誣又如樊南文集中襄城隍文凡八見則此祀唐時已盛行褚公之聰明正直其廟食也宜矣

奉天一覽賦

明楊通

燦帝禋宗奠寢駐龍星分井鬼地接峻豐陸陌臨平陽峪屹兮後擁甘河武水清渭帶兮前容是宜桑山人獻防危之策嚴京兆樹拓城之功以言佳景壯興最濃乾陵古蹟好時遺封更有漠谷晴波沙溝沃野雖難乘剡曲之舟抑可下杜陵之馬以言

名宦屈指可陳耿奔非土鄧公作賓宣布德威贊於茲而草詔奮揚忠義城於是而清塵汾陽兮建禦戎之續祁公兮著我公之仁鄭彥文之修政兮思齊於古補頌公之遺愛兮稱頌於今若乃地靈人傑後先濟楚唐賈氏之節天萃一門楊夫子之文道傳千古荷逢景運而為鳳為麟悉應德星之宜申宜甫又兼寺觀幽沈亭堂燦倩臨川清美因勝地而聿修瓊林大盈乃播遷之所籍他如築入狄籠麥高禹甸瑰奇翠柏鍾秀氣而間生磊落丹榴擅方物之珍薦尚荷皇王一統歷數萬年生齒既富教化益漸撫故圖而增慨探遺事於陳編顧三復兮而細目似云略矣若一覽兮則大綱實爲了然

甘泉宮頌

漢王褒

甘泉山天下顯傲之名處也前接大荆後臨北極左撫仁鄉右

乾州志稿別錄卷二 文錄

漢

望素域其官室也仍觀辟而為觀攘抗岸以為階漣波瀾而鱗坻馳道列以逶迤覽餘閣之靡麗覺堂殿之巍巍經落實以差錯編玳瑁之文楹鏤螭龍以造隔采雲氣以為楣神星羅於題鄂虹蜺往往而繞椳縷倏忽其無垠意能了之者誰竊想聖主之優游時 娛而款縱坐鳳皇之堂聽和鸞之靈臨麒麟之域驗符瑞之貢詠中和之歌讀太平之頌

漢高祖功臣頌

晉陸機

建信委輅被褐獻寶指明周漢銓時論道移帝伊洛定都豐鎬柔遠鎮邇實敬攸考 右 表 敬

抑抑陸生知言之貫往制勁越來訪皇漢附會平勃夷兇剪亂所謂伊人邦家之彥 右 陸 賈

菩薩蘭頌

國朝劉志芬

乾陵白虎門向供觀音石像跌坐岡脊風日消磨忽有異菌覆焉大如臺笠於是焚香頂禮者汗相屬踵相接也而廟以成頌曰

龍樹摧枝鶴林墜葉慧炬垂昏法輪欲折認我大士愍茲浩劫化千億身宜廣長舌淨土斯宏靈根載茁玉荷奪鮮金芝遜潔寶蓋同懸圓光不滅甘露雨滋妙鬘雲結五峰北拱九嶷東揭鸞鸞成嶺虎蹲守關丹楹麗日白衣瑩雪祕示津梁齊瞻水月

陸宜公贊

本傳

良臣悟主我有嘉猷多僻之君為善不周忠言救失啓沃日警勿貽天問倉昊悠悠

狄梁公贊

明李應聘

維公之孝望雲於天維公之忠取日於淵求忠於孝姑無附廟

乾州志稿別錄卷二 文錄

晉

周唐之際岌岌靡甯房杜之下烈烈而生

馬汧督誅

晉潘岳

齊萬虓關震驚台司聲勢沸騰種落煽熾旌旗電舒戈矛林植形珠星流飛矢雨集 哀哀建威身伏斧質悠悠列將覆軍喪器戎釋我徒顯誅我師 當作 以生身死曠克不二 右周處

率西水滸解

國朝劉志芬

陝西資政錄自司馬遷作周本紀云去邠渡漆沮踰梁山後人遂以詩之水滸為漆水文翔鳳馭之云永壽為漢漆縣求其漆而弗得近始詢得於九嶷之陰細甚又不當率西之道蓋詩止言西許不言漆奈何強而附之間當身至其地知所謂水滸者即底審大略諸水耳按大略在永壽北發源分水嶺東北流入邠州界謂夏父當年率此以西理亦近似然程大昌雍錄云渭

水實梁山之南循渭西上可以達岐則詩水字似指渭水而非大略也

修志采訪示

周銘旂

照得晉楚之編同紀媿美春秋夏殷之禮能徵藉資文獻遠稽列代亦有輿圖夷攷偏隅豈無方志況乎梁原舊壤雍國近都鞞屢十六度而邇上依東井虎踞百二關以內雄視西陲漢耿侯祚土之邦唐鄴國作賓之地五峰矗立代毓英奇六陌平開野稱膏沃固宜人文蔚起借豹略而俱長物產富饒與龍塘而並派矣獨是廿四里井疆未改勝蹟久湮二百年典物猶存遺文莫攷橋陵如昨已屬故墟官庫非遙空餘舊址趙中書之世系尙待表揚揚夫子之文章誰爲繼述際茲星霜幾歷頓歇風流想彼日月維昭竟同電掃粵稽舊乘孰訂其家之訛爰采新

乾州志稿別錄卷二

文錄

庚

聞廼期爲貂之續但借縹緗以蒐剔篋少藏書將延宿碩而編摩囊空美帛愧無如椽之筆敢証是是非非幸有載路之碑用廣聞聞見見爲此周谷鄉里徧訪耆紳三輔名坊何因而何革千年勝軌孰盛而孰衰非攷舊俗於風聞莫符定評於月旦攜鶴懸鱗之侶幾曾飛鳥而來貫鵬鸞之傳相繼彈冠而出徵游蹤於方外兼及寓公表淑德於閩中並推賢母循名烈士血化碧以三年盡節完人汗垂青於百代儼效駘軒之采雜取歌謠大搜金石之藏永昭簡策凡屬馨香在昔如相貺以神明既能稱說到今當得據爲典要庶幾山川生色不荒杳於雲煙人物增輝如晤言於風雨已

乾州志稿別錄卷二終

乾州志稿別錄卷之三

詩錄

挖雅揚風何當地理方志家類多收之不惟盪好古之胸撫今追昔亦考鏡之資也前志計載若干首擇尤登之而以流傳佳什附焉惟與茲土無關及尋常應酬之作槩爲屏除

朝隴首

一曰白麟歌漢武帝紀元狩元年行幸雍作白麟之歌朝隴首覽西垠雷電寮獲白麟爰五止顯黃德圖何慮熏鷲殛闕流離抑不祥賓百僚山河饗掩回轅鬚長馳騰兩師灑路破流星隕感惟風籟歸雲撫懷心

行幸甘泉宮歌

宋劉孝威

乾州志稿別錄卷三

詩錄

一

漢家迎夏畢避暑甘泉宮棧車鳴里鼓駟馬駕雄風技尉烏桓騎待制樓煩弓後旌猶五柞前駕度九嶷才人豹尾內御酒屬車中輦回百子閣扇動七輪風鳴鐘休衛士披圖召後宮材官促校獵涼秋戲射熊

奉天酬別鄭諫議

唐戴叔倫

巨孽盜都城傳聞天子驚陪臣九江畔走馬來赴難伏奏見龍顏旋持手詔還單騎不可住朱檻未遑扳故人出相餞共悲行路難臨歧何贈言對酒獨傷魂世故山川險憂多思慮昏重陰蔽芳月疊嶺明舊雪泥積轍更深水冰花不發鄭侯問世賢忠孝乃雙全大義棄妻子至滔易生死知心三四人越境千餘里駿馬帳前發驚塵路傍起樓頭俛首看莫敢相留止拜闕奏良圖留中沃聖謨洗兵收魏郡誘敵討幽都名亞典屬國官遷諫

大夫從容九霄上談笑解陰符盧生富才術特立居近密采掇
獻吾君朝廷視聽新饒寬枉自比汲黯直為鄰就列繼三事主
翁當七人可憐常守道不覺五逢春昔去城南陌各為天際客
關河煙霧深寸步音塵隔羈旅忽相逢別離又茲夕前悲涕未
乾後喜心已蹙而我方老大頗我風眩迫夫君並少年何爾髭
鬚白惆悵語不盡徘徊情轉劇一樽且共持以慰長相憶

文柏牀

白居易

陵上有老柏柯葉寒蒼蒼朝為風煙樹暮為燕寢牀以其多奇
交宜升君子堂刮削露節目拂拭生輝光元斑狀狸首素質如
截肪雖充悅目既終乏周身防華彩誠可采生理苦已傷方知
自殘者為有好文章

乾甯三年丙辰在奉天

韓渥

仗劍夜巡城衣襟滿霜霰賊火逼郊坳飛焰侵香漢積雪似空
江長林如斷岸獨凭女牆頭思家起長嘆

詠史

元楊長輔

人生不願韓柱國但願身為漢廷陸大中著述稱仁義大中辯
口調異同一說南越元黃屋再說兩相交春風橐裝用未盡金
錢賜重重歌童傳食五子宮一劍得失楚人已優游公卿間家
以上壽終同鄉狂生廣野公身膏鼎鑊豈如陸大中

盧杞

藍面鬼陰且祿郭家姬羣走避天子見之殊嫵媚藍面鬼泚操
兵鬼遣使吳叔鬼凌兢尙持天柄殺崔甯救駕將軍謁天子奸
佞一排數千里藍面鬼澧州死

梁山雪

明郭登庸

梁山雪春霏雫下有居人兮驅牛羊止知武不知唐梁山雪留
哈囔下有居人兮收宿莽不知唐止知武梁山雪兮邱山圯有
客經此憾未已東望昭陵兮三十里

無字碑題詩

王尚綱 蒼谷

無字碑誰立字李兮唐周兮武千秋冤結一抔土唐家餘子
不足數于闐此意晦終古

乾陵歌

李夢陽

九重之城雙闕時前有無字碑突兀雲霄裏相傳翁仲化作精
黃昏山下人不行蹂人田禾食牛豕強弩射之妖亦死至今剝
落臨道旁大者虎馬小者羊問此誰者陵石立山崔嵬銅鐵錮
重泉銀海中滌迴巢也信力何能開君不見金棺玉匣出人世
薔薇冷面飛塵埃百年枯骨且不保婦人立身何草草

曉行乾陵山下

范文光

夙夜催速駕整衣顧我僕畢宿似張羅北斗已倒豎月暈生微
風野雞號孤樹遠山如深宮一點疑寒霧唐家調鸚鵡玉帳夢
方熟生事無停止影踏霜與露村扉門半閉默然心有悟

乾陵

溫自知

女主踞洪圖虎視何雄哉千秋王氣盡陵墓空崔嵬我今登其
巔蕭蕭風怒來饑鴛鴦獵曠野寒狐叫山隈妝閣豈云秘翁仲生
莓苔石獸夜吼天霜風日以摧咄嗟此高阜萬古雲雷埋我木
俠烈人過揖長夜臺腰下看青萍肝膽歷然開誰使貽妖氛民
生逢禍災慷慨揮長劍坐使鯨鯢頽相顧起叱噓且夕風雲迴

雙節篇

王槩

北風獵獵煙塵黑海宇翻騰坤軸裂魚龍鼎沸騷江湖豺虎橫
行吼江國是時唐網幾不振羣兇草莽恣吞并平原千里無人
煙白日長途聚刀兵實家二女生絕奇顏如春花初發時賊一
見之驚且駭揮戈驅迫出深閨可憐二女竟誰訴仰天大痛死
無路姊妹相攜哭且持淚成血點濺行步賊勢憑陵若犬羊貪
饑殺戮亂天常盤旋鴉髻羞掩面宛轉蛾眉愁斷腸姊云甯死
義不辱吞聲一躍投厓谷妹即奮身往追隨一雙白璧填溝瀆
甘心甯願千金軀石壁燒巖血模糊天雲黯淡日月昏神鬼悲
兮猿鳥呼陰燐飛走夜不息精魂上訴真宰泣古來節義重羅
敷二女分明烈丈夫至今死節懸厓處遺恨年年百草枯吁嗟
二女真雙節令名耿耿垂竹帛揮毫爲作雙節篇萬古千秋表
貞烈

乾州志高川保卷三 詩錄

四

特行行

國朝 李宏柱

罷官陋巷寄迂拙時有芳鄰話白日就中吳子少且貧溫其如
玉學不輟後母嗣兄若罔聞孝弟之行無遺闕黃童白叟盡知
重今人甯與古人別無如其命蹇且艱青衫擬反遭凶歲饑骨
肉離憂結兄悲攜家遠竄蜀獨依老母供薇蕨踰年痛兄死他
鄉徒步不辭腳靴裂死兄活嫂遠道歸書生苦澗肝腸血至今
事嫂猶事兄困守依然天莫詰顧此特行足風世嗟我久廢意
徒切歌以志美待皇華願獻楓宸揚史筆

別乾民

謝嵩齡

乾州有山無樹木西北有地無五穀庚辛之歲頻薦饑老弱大
中填溝瀆少壯紛紛走四方攜妻挈子寄他鄉邱墟村落爨煙
斷晝走狐狸夜哨狼戾寅承命蒞茲土日觀從前眞疾苦瘡痍

未起民力艱術善催科究何補捐貲代償逋賦清庭前鮮聞捶
楚聲煩徭劇役未滋擾耕田鑿井安其生求牧求芻云誰責每
慚持祿同素飭無策誠民登衽席何意斯民古道存忘我之忒
銜我恩效昔魏州建祠宇歎忻奔走如雲屯驅車重過池陽道
童叟趨迎多慰勞爭言去後日思君請君酌酒還盡醺願茲億
兆情殷切予亦徘徊不忍分

梁山

趙希璜

梁山之說何紛紛毛詩本自存其眞率西水滸至岐下東尋好
時來周原周原膺接邠壤一山橫界生煙雲踰此可限戎馬
足旌旗照耀水之濱好時昔稱美田地秦宮秦時交嶙峋李斯
車騎祖龍怒古公播遷岐鳳聞險阻踰越幾千載經生追論慚
分門牽率晉望與秦望猶如坐井忘朝昏我倩牛庵勤考据徒

乾州志稿別錄卷三 詩錄

五

笑數典同家珍好時流長山永奠岐周密邇東西分

張節母吳孀人

薛士林

梁山有松柏磷磷節何堅秋霜不敢逼清風吹千年貞母吳氏
女家本詩書傳芳年配君子雙調椅桐絃機杼鳴白日蘋蘩采
清泉夫子園苑容翔步天衢間上帝謫不久須臾召之還相隨
誓生死所恐孤雛單蘆灰畫成字熊膽磨爲丸撫子日己長清
芳如幽蘭才高凌班馬早登孝廉船還薄鴟鵬翻天池俄往還
文明傳世業孫枝亦象賢堂前呼阿姥爲之解慈顏此邦寶雙
烈遜彼福壽全天心重節義署爲瑤池仙盈爾一百紀碧雲天
外天

乾陵

程應權

聽政日垂簾奇局素創始繼者一輩輩效顰而已矣武壘奇外

奇毅然稱天子作用亦卓卓英主不過爾宇宙五千年一官一
家耳叱朝忽崛起鼎足遂同時黃巢入長安唐陵應劫毀風雨
聲蕭蕭此人獨不死

乾陵

王慶瀾

坤德乃乘乾月魄輒掩日其才雖足雄毋乃太突兀昔稱則天
后遽謂天可則宇宙創奇局今古竟無匹來自魔道中帝亦莫
之佛六珈忽冕旒廿年不巾幗能用狄梁公豈曰非聖哲更喜
獨憐才弗怒竇王檄

周孝侯射虎歌

蔣蔚

將軍射虎如射牛白額橫死南山頭將軍縛賊如縛虎枉說使
君兼文武銜命往討齊萬年忠孝之道難兩全草中狐兔何足
盡英雄受制嗟可憐援兵四絕鼓不止按劍一呼創者起猛虎
入檻何能爲五千健兒同日死吁嗟乎於菟之氣能食牛烈士
豈解爲身謀不然縛虎莫縛賊依舊射獵南山頭

龍巖寺龍潭口

吳玉

夏見冰雪走暗聽雷風吼直下溜垂簷怒春水入日巖峻神工
開潭深怪龍守蟠窟靜養鱗翻濤怒矯首噴霖濺白沫噓雲幻
蒼狗我來探幽境精神頻抖擻渡水苔石滑攀崖石磴陡跌坐
小亭上疑神目注久望傾龍巖寺情怡龍潭口游賞澹忘歸鐘
聲出煙藪

菜根行

吳玉

旱魃頻作厲窮家煙火息歲暮兒童號爲采蕪菁食強支久餓
身匍匐出城闔舉步如不勝攜鋤每喘息奮盡生平勇檢拾心
惻惻持向歸途中一步復一踏悠悠寒郊外凄凄周道側陰陰

天常暗沈沈日無色凜凜風橫侵羃羃塵四塞下民良可哀蒼
天曷有極

晚過乾陵

吳玉

雨過高原淨落日荒陵道暮氣驕石馬長風撼壞堡鬼燐亂明
滅翁仲紛顛倒橫垂樹偃蹇獨立石怒惱二聖長眠處蕭條餘
野草萬古徒荒涼當年徒改造易唐與反周俯仰傷懷抱山外
梁公墓居人常祭埽

天然香

路德

郡西得甘泉江南有香稻飲水不嫌貪炊水安用巧大美本天
然不雕乃爲寶閒居一事無惟取三餐飽咄嗟立可辦清芬襲
幽抱滿腹貯瓊漿何處著煩惱但愁火侯差坐使風味少果甘
就樹嘗茶美忘湯老諳諳戒庖人煎熬法須曉開鑪汝無遲下
箸吾及早卽此悟文章急就自然好

得邛大用書復寄

元楊 奐

百年眞夢寐萬國久風塵老去偏相憶書來恨不頻季鷹猶在
洛王粲未歸秦谷口知何似他時願卜鄰

首夏上乾陵

明文光

薄遊驅老馬暇日此追隨麥熟黃垂地苔深綠繞碑妬風腥草
木妖氣染熊羆自醜生前事難題石上辭

狄梁公墓

楊殿元

丞相餘荒塚驅車此一停手移妖社稷氣奪女朝廷鸚鵡迴春
夢牛羊散野坳梁山殊未遠魂尙護唐靈

卽事

張問陶

舊識周原路人家麥浪中一花明好時初月上扶風雪古連峰

白神尊遠寺紅詩情如渭水歲歲繞城東

喜雨口占

國朝 何承薰

好雨煩消暑蕭條響古槐生機心上滿涼意枕邊來不斷虛檐
滴還隨遠漏催秋成期大有笑口為民開

夏日口占

林一銘

勁麥抽細絲瓜茄六月遲市登鄰樹果井掘古陵碑一氣潼關
東中峰太白敬由來城與郭道茂卜先知

奉天懷古

林一銘

百戰孤城下巖巖賊壘環神兵開象穴妖火蒸龍山君相朝堂
小郊甯道路寬忽聞哀痛詔萬姓淚潛潛

魏博事差訛涇原背叛多煙塵遮日月草木插干戈再謀綠楊
李先時棄牧頗還須背城戰一將吼如龍

乾州志稿別錄卷三 詩錄

古奉天城

吳玉

唐室遺城在登樓倚小軒山形蹲上路地勢走平原王氣千年
歇巖疆百雉尊當時如樹德術數恐難論

望太白

吳玉

太白高何極金方氣獨收古今長積雪天地更無秋迷壑陰雲
變連空冷翠浮登臨雖未得人望已思裘

留別乾陽

劉銘傳

得途歸田志 君恩肯放還解兵渡渭水策馬出秦關不歷

風波苦焉知世事艱此行無建樹羞對二華山

秦兵不渡隴界限總分明我抱虛糜恥誰將寇亂平往憂回乾

馬未解世人情努力期來者 朝廷務遠征

奉天西佛寺

唐 溫庭筠

憶昔狂童犯順年玉虬緩暇出甘泉宗臣欲舞千鈞劍追騎猶
觀七寶鞭星背紫垣終埽地日歸黃道卻當天至今南頓諸耆
舊猶指榛蕪作弄田

楊文憲公祠

明 王雲鳳

奉天久慕楊夫子未老還山是潔身萬里紫陽曾夢寐一時蒙
古自君臣苦蕪我想讀書處文字誰為得稿人卻笑奔忙未歸
去秋來羈絆又新春

贈儲糧道步公文政

吳偉業

臨湘家世擁旌旄策馬西來劍佩高華嶽風雲開闢氣乾陵草
木壯神泉山公盡職封章切蕭相憂時運饋勞青史通侯餘事
在江南重見舊人豪

西厓旭影

國朝 史 拜

函關紫氣自東來絕壁丹霞向日開開裏化工垂色相到今圖
畫豔對苦誰疑漢幟留秦塞堪笑蘇髯戀楚隈裙屐好乘休暇
後晨興逐隊一登臺

武后陵

袁枚

高捲珠簾二十年女人星換紫微天明堂黜配無光武本紀開
端有史遷鶴監儘容才子住南牙不放阿師顛蓮花霜折宮牀
冷猶見金輪盪晚煙

含風殿唱小秦王短髮重歌娥媚娘十月梨花知宰相一篇檄
草嘆文章慈心果自啼鴉鴉殺氣終教曬鳳凰愛絕醜奴為殉
未荒墳相對有莊襄

秋霽步至青陽觀

陶淑

矮屋真同守窆天泱旬風雨更連絲夢回烏鵲巡檐噪曉起雲

霞出海鮮古廟秋深藏樹密荒園綠瘦倚城偏出門便有林泉
意拄杖閒行亦灑然

逍遙安步到琳宮樓觀魏帝崇崇玉笈金函參妙諦寶幢珠
蓋下遙空階前碧映千株柏殿角青搖百尺桐此地紅塵飛不
到夜深應遇采芝翁

天光雲影兩悠悠遠霽澄明望裏收節近重陽思勝會地離塵
海占高秋人間亦有蓬萊境物外聊為汗漫游好與談元招羽
客一筇雙屐且淹留

小徑行歌緩緩歸羣衣稚子喜相隨芒鞋竹杖窮幽致日觀天
門訂後期北牖久思追靖節西風何意避元規回頭定作還山
計躡足飛翬訪舊碑

乾陵

張相儒

乾州志稿別錄卷三 詩錄

十

萃兀乾陵接碧霄秋風日落草蕭蕭百年帝后無雙塚萬古周
唐說兩朝只恐金蠶終化土虛傳石馬解為妖故臣惟有梁公
近任聽餘殃到牧樵

輿國寺

吳一嵩

古刹何年建奉天星輶偶憩傍青蓮琪園舍利藏幽壙甘井通
靈出醴泉香室不嫌城市近風塵應笑利名牽欲憑妙覺消灰
劫肯借慈悲一指禪

明月山集唐

劉壬

琉璃為殿月為燈曹松茶煮西峰瀑布冰賈休新水亂侵青草路雍陶
寒山半出白雲層劉滄惟將遲暮供多病杜甫只恐笙歌引上升薛能
為向東州故人道李益心歸閒澹不因僧羅隱

城塢

林一銘

乾微遺稿城上奎樓也勢踞崇墉形同卓筆登之則孤
城如九涓水一線也林小巖先生以城塢名之復紀以

詩

箇中空澗綠千畦一塢城端累作梯陵勢直奔渭河去夕陽半
在武功西絕無燕雀當頭住合把星辰仰面題高處何人攀大
筆南來太白數峰低

雨後城北途中即景

吳玉

村北纔看宿雨收歸途景物足句留山光一片青橫郭樹色千
家綠滿州草暗林中初入夏麥蒸隴上欲迎秋行人俱話田間
事已慰茅檐積歲憂

新晴城中眺望

吳玉

雨歇虹消雲影回欣看衢路淨塵埃甯嫌溼氣衣邊浸為愛晴
光杖底開風撼樹聲連屋動雲將山色入城來從茲萬物饒生
意更擬郊原一舉杯

乾陽對月

路德

生平細數天邊月盈闕曾經五百回人世榮枯亦如此古今興
廢只堪哀城東秦時餘禾黍山下唐陵翳草萊且對綠醪開笑
口夜深還有素蛾陪

留別乾陽士民

謝質卿

坐對梁山老佩魚翻然攬轡意脚踏穿渠地靳流泉澤去國民
憐絕域居夜月鳴機當戶織春風叱犢帶經鋤漫勞問字攜樽
酒庭牘紛陳講席虛
花門狼毒肆凶鋒雞犬桑麻一炬空四野靡遺天亦慘孤城無
恙我何功英髦星聚干擲列妖孽灰飛礮石中可識綢繆須未

雨當年經始庶民政

討齊萬年詩

晉周處

去去世事已策馬觀西戎藜藿甘梁黍期之克令終

清曉

國朝吳玉

睡足神俱足心清氣與清虛窗微覺白枕上落鐘聲

築奉天城

唐戴叔倫

鑿輿西幸奉天城唐祚中興李晟功誰云術士桑道茂默觀休咎未來中

端正樹

趙嘏

太平廣記德宗幸奉天見端正樹愛玩久之暇作詩以

諷羣芳譜引太真外傳上發馬輿行至扶風道旁花寺諷昨見石楠樹團欒可愛呼為端正樹板詠之與此異

一樹繁陰先著名異花奇葉儼天成馬嵬此去無多地只合楊

乾州志稿別錄卷三 詩錄

三

妃墓上生

渾忠武王祠

李商隱

九廟無塵人馬迴奉天城壘長春苔咸陽原上英雄骨半向君

家養馬來

紫陽閣

元楊奐

碧瓦朱簷動紫煙清風吹袂杳翩翩夢回憶得三生事悔落黃

塵六十年

管甯濯足圖

楊奐

踏徧遼東未是痴藜牀欲穴只心知好留一掬黃泥水漫卻曹

郎受禪碑

乾陵

明劉基

蕃王儼侍立層層天馬排行勢欲騰自是登臨多好景岐山望

足看昭陵

無字碑題詩

許孫荃

突突孤孤插太清行人遙指是乾陵則天虐酷今何在臺殿焚

燒石獸崩

乾陵松柏遭兵燹滿野牛羊春草齊惟有乾人懷舊德年年麥

飯祀昭儀

乾陵

楊殿元

掘地無能及九泉黃巢溝尙野人傳妖魂兀自饒才具風雨猶

能竊帝權

重城雙闕擁高封跋馬殘蟻處處逢落日前山秋草裏孤墳東

望有信宗

竇氏二女祠

楊殿元

乾州志稿別錄卷三 詩錄

三

祠前春草半彫殘遙對乾陵風雨寒好作女朝雙柱史血題貞

字向人彈

乾陵卽景

國朝楊秀芝

西風翁仲對斜陽百丈乾陵接渺茫鳳子飛來秋色裏雙雙猶

戀野花香

送王子方明經歸奉天

楊秀芝

講道從來勝重文學開清麓比河汾幾多不愧門牆者老眼模

糊先識君

雲開雪霽馬蹄輕歸去乾陽兩日程妻子歡娛兄弟樂爲儒未

可薄功名

乾山西望碧嶙峋二十年前來往頻卅六鴛鴦成廢館憑君寄

問象賢人

送千牛李將軍赴闕詩

唐李商隱

丹陛祥煙滅皇闕殺氣橫喧闐眾狙怒容易八鸞驚構机寬之
久防風戮不行素來矜異類此去豈親征舍魯真非策居邠未
有名曾無風后御甯待兩師迎火箭侵乘石雲橋逼禁宮何時
絕刁斗不夜見機槍屢亦聞投鼠誰其敢射鯨世情休念亂物
議笑輕生大鹵思龍躍蒼梧失象耕靈衣沾愧汗儀馬困陰兵
別館蘭薰酷深宮蠟焰明黃山遮舞態黑水斷歌聲縱未移周
鼎何辭免趙坑空拳轉鬪地數板不沈城且欲憑神筭無因計
力爭幽囚蘇武節棄市仲由纓下殿言終驗增埤事果萌蒸雞
殊滅膳厨麴異和羹否極時還泰屯餘運果亨流離茂南渡倉
卒得西平

辛卯二月二十六日大風

國朝吳玉

連月孤陽兀搏陰發迅颺乾坤迷上下日月暗昏朝拔樹離青
岫翻沙入絳霄勢摧山嶽動聲挾海江潮猛獸威俱攝雄夫氣
不驕獨憐愁聽處無雨更傷苗

乾州志稿別錄卷三終

乾州志稿別錄卷之四

異錄

聖人語常不詔異然稗官紀載用廣見聞亦采風所不廢
前志概從闕略茲特編諸別錄中說鬼搜神藉資談噱或
大雅所弗譏歟其誕妄不經有妨風化者仍不敢登

帝王世紀秦時西域沙門室利房等至始皇以為異囚之夜有
金人破戶出一日飛去今州西北梁山宮故址有地名室利房
即金人夜飛處見乾徵遺稿

列異傳梁山秦始皇廟至今有祭者往往有蝴蝶一二百降祠
所享其祭近之不驚徹饌然後羣去時謂秦皇侍從捉之者病
珍珠龍作
漢武帝事

廣博物志漢建信侯婁敬晚得道居好時明月山北能種金今

其地曰種金坪界永壽境

開元遺事李元紘為好時令遷潤州司馬發離百里烏鵲之類
飛擁行車

鴻書元宗幸蜀留太子宣諭百姓自奉天而北夕次永壽百姓
遮道獻牛酒有白雲起西北如樓閣狀議者以為天子氣自是
紫雲擁帝所乘馬聚散不時

杜陽雜編德宗將幸奉天攜火精劍出內殿歎曰千萬年社稷
豈為狗鼠所竊耶遂以劍斫楹上鐵狻猊應手而碎左右呼萬
歲及乘輿遇夜侍從皆見上仗數尺光明即火精劍也

神異錄德宗西幸有知星者奏云逢林即住及奉天尉賈隱林
謁帝行在氣色雄傑而名叶星者所奏帝甚異之隱林奏曰臣
昨夢日墜於地臣以頭戴曰上帝曰朕此來乃已前定遂拜

隱林爲侍御史

杜陽雜編上西幸有二馬一號神智驄一號如意驕皆耳中有毛引之可長一尺進退緩急皆如上意故謂之功臣

集異記弘光晟爲潼關卒過華嶽祠夢貴人如王者謂之曰光晟拜相則天下太平驚寤後以戰功官至司農卿德宗西狩爲

朱泚所廢拜僕射同平章事戰敗而還方悟神告爲有徵矣因話錄寶相易直幼名祕就業村學教授叟有道術撫之曰寶

祕後爲人臣貴壽之極勉自愛德宗幸奉天公方舉進士乘蹇驢隨駕至開遠門人稠路隘扉將闔聞人叱驢捶其後得疾馳

出回顧見黑衣卒呼曰秀才日後莫忘閭情嘉話錄薛邕有宰相望有張山人者善相時崔造相公方爲郎

中與前進士姜公輔同坐薛問張曰坐中有宰相否張曰有

乾州志稿別錄卷四

異錄

二

崔姜二公必同時宰相薛默然崔徐問張曰何以同時意謂姜始前進士勢不相近也曰命合如此仍郎中在姜後及德宗出

狩姜充翰林學士即於行在拜爲給事中同平章事崔後姜牛年爲相薛侍郎竟終於列曹

全唐詩進士趙合初游五原夜聞女子悲吟有雲鬟消盡轉蓬稀埋骨窮荒失所依云云問之自陳姓李家奉天城南小李村

遭党羌擄殺於此倘能歸骨必有以報合收骨攜至奉天訪小李村葬之夢女來謝曰吾大父有衍參同契續混元子能窮之

龍虎之丹可成矣合受之究其元微得度世宣室志扶風竇寬家梁山下太和八年罷職歸治園屋命僕伐

一樹有血旁溜汪然注地寬知爲怪閉門絕人事明年李訓鄭注反寬與注連遂死左禁中

酉陽雜俎會昌五年奉天縣國盛村民劉姓病狂發時亂走不

避井塹其家迎禁咒人侯公敏治之劉忽起曰我暫出不假爾治因杖薪擔至田中袒而運之狀若擊物良久退而笑曰適捷

一鬼頭落埋於田中家人猶以爲狂遂同往驗掘出一髑髏戴赤髮十餘莖病竟愈

隴蜀餘聞劉以平字近塘猗氏人諸生時夢入宮殿中有王者命坐對弈又至一所石門上懸聯云鸚鵡能迴千載夢麒麟空

卧萬年秋不解所謂既登進士爲潞府官遷陝西行太僕寺卿過武壘墓墓上石刻一聯即夢中所見也

何偉然廣快書嘉靖戊戌先君作吏隴西道出乾州土人云過則天陵有謾語輒以雷雨報之先君弗信爲一詩詆之行不數

里雷雨大作仲兄再過其地復詆以詩亦遭風雨千年虐燄死而不亡

乾州志稿別錄卷四

異錄

三

漁洋詩話今廣元縣唐利州也武后生於此嘉陵江岸皇澤寺有武后石像乃是一比丘余過之戲題詩云鏡殿春深往事空

嘉陵禍水恨難窮會問奪瑤光寺持燵重輪恐未工蓋用洛陽伽藍記瑤光寺尼工奪瑤之語以譏之昔聞過乾陵作譏刺

諺浪語輒有風雷之異老狐何靈於乾州而不靈於利州耶前志 關帝廟碑廟舊建於城西北隅順治二年土賊猖獗糾

合數千人夜襲郭郭將及闔闔城幾陷忽神見雲中勒馬橫刀賊遂驚潰城賴以全知州戴聖聰移像於堂治東

梁山石菩薩像雕琢端嚴不知何時置向無廟嘉道間有異菌生於坐後高出頂上如寶蓋之蔭花髮也居人異之爲立廟祀

焉劉志芬有石菩薩蒲頌載文錄

乾德遺稿城北三十里馮市店居民約四百家俗傳爲馮道故里者妄也村外有巨冢形如覆斗無碑板可攷耆舊傳聞類多影響數年前有陶穴者鍤土既深忽睹石扉洞開靈風肅然其中燈燭輝煌上坐一貴官朱衣金冠鬚白如銀侍衛約數十人森嚴可怕大駭卻走奔告村人比再至則扉闔矣遂以瓦泥封之今其迹尙宛然

朝陽山響石潭昔有善泅者曾探其異初入時亦甚隘如墜巨壘中十餘丈後漸宏闊蓋東與泔河之風雲潭通也度百餘丈止水無波濤聲怒號恍忽有神物盤踞其下似噴人之來懼不敢窺遂由東潭出豈所謂蛟龍之室耶

地市見池北偶談漢西縣城廢爲民田久矣有人行曉霧中見城郭樓堞林木車馬之狀日出始滅殆卽所謂地市歟

乾州志稿別錄卷四 異錄

四

吳山寺古柏一株元時物也主者欲伐之一夕大雷雨樹忽自裂自此匠石不顧矣至今枝葉彌茂人謂此樹以不全自全耆老言某月日風雷駭駭有龍見於雲中將州城東岳廟琉璃鴨吻攝去拋落六陌田內轉瞬廿餘里或曰鴨吻大物舊有蛇蟄龍極之耳

乾陽外紀馬某家北門外里許馬家坡初好黃老術寓城內東嶽廟廟有塾師日未落卽率生徒歸馬問故言有鬼黃昏卽出馬伏幽暗處伺察之會一夕瞥見有巨人高與檐齊鞠躬入門盤旋少頃卧地上鼻息如雷口吐紅丸隨呼吸而上下之光閃爍照耀庭除馬潛至其旁接以手納諸口中仍匿故處巨人躍而起往來號跳既而撼廟柱大哭出門去馬自是不餓渴言多奇中或曰卽馬神仙名應乾

水齋和尚初居太白山龍盤寺後移錫州之北斗宮恆跌坐枯若稿木如是者四十年初不解字與人談語多元奧取藏經讀之隨目直下順治九年冬一日盥洗整衣合掌說偈曰本來無作亦無造一顆明珠當空照無始以來會不得而今識破一聲笑語終而卒和尚名如聰字慧菴水齋其別號云

李仙長普濟寺僧也匿其名字每天早禱雨輒驗卒之前一日巨州人見之問何往答曰往祿馬山省師

元養正字半仙武生家貧好善度事太白山神每冬赴山進香謂家人曰今年雪缺歸時當帶來及歸果飄飄雪落遇天旱入山祈雨輒應後有過太白山者見其攜籃曳杖如進香狀且言寄語我子順來山看我比歸則卒已年餘矣有傳言爲廵山土神者

乾州志稿別錄卷四 異錄

五

許之義州諸生性鈍苦記誦常終夜讀不輟入庠後猶痛自捶楚方夜半鬼哭門外義好言慰之曰勿擾我汝有冤我得志當解脫汝讀如故鄰婦爲鬼憑百計驅之不得去義言飲我酒當爲作法如其言飲之畢戟指禹步喃喃念誦連盛氣呵之鬼果去問作何法實一氣讀大學章也

州東北三十五里面泥河有趙氏墳先爲醴泉學師趙姓者葬其地 國初有黃鬚經略往西域過之命斬下砂及旋復過視其氣仍盛遂掘墓識者謂地非禁穴有割據氣象明白巾賊樊伸祖墓在其下近水平坦處及墓掘而伸誅
泔水東崖地名鳳皇嘴陳姓葬之婦已有孕七月往來人早暮見對面貴人峰上有白鬚老人執香跪拜未幾有京宦某於其後東氣處斬之卽日胎墮燒香老人不見矣